

# APOLOGETICON

DOMINI LUDOVICI DE GAND,  
Domini de Brachey, & de Romecour.


C 185 a. 26 Pro Seipsô.

(4)

AD

Serenissimæ Reipublicæ Angliæ

PARLAMENTUM.



*Vana sunt mortalium omnium consilia, nullaquæ hu-*  
*mana felicitas est diuturna, hanc nisi DIVINA*  
*PROVIDENTIA confirmaverit Natal. Com.*  
*Hist. l. 25. Quæ autem DEUS decrevit, nullate-*  
*nûs prohiberi possunt. Procop. de. bel. and. l. 1.*

---

LONDINI

Ex Typographiâ R. I. 1659.

6 45  
11/1/50





**APOLOGETICON**  
**DOMINI LUDOVICI DE GAND,**  
*Domini de Bracbey, & de Romecour.*  
**PRO SEIPSO,**  
**A D**  
*SERENISSIMÆ REIPUBLICÆ ANGLIÆ*  
**PARLAMENTUM.**



Uo sunt, *ÆQUISSIMI PROCERES*, quæ vestrum omnium iracundiam in me, vindictamquæ concitare possent: Si juxta multitudinis imperitiæ consuetudinem, per furibundum cæcæ mentis impetum, ad ferendam majoris plerumque momenti de rebus sententiam, sine præviô discursu, sinequæ multiplici rationum variarum examine, vosmetipsos abripi sineretis.

Primum est, ut ingenuè fatear, quodam in opusculô *Commendatio CAROLI Primi Serenissimi magnæ Britannia REGIS ultimi*, quod in ipsius gratiam sub nomine *SOLIS BRITANNICI*, octodecim abhinc annis à me typis excusum novit orbis universus. Alterum est *OLIVARII PROTECTORIS Encomium*, quod justô volumine cum *OLIVÆ* Parallelô, tribus ante ipsius obitum annis in lucem edidi.

Quæ duo cur à me conscripta fuerint cum vobis aperuero, sic *INNOCENTIÆ* causæ meæ, sic justitiæ Pru-

dentiaequè vestrae confido, ut non modò nihil à vobis mihi timendum ob id putem, sed potiùs *exquisitum prae-  
mium aliquod, & plurimis impensis meis, & nocturnis elu-  
subrationibus, & multis aliis, de quibus alibi, nominibus  
etià mihi debitum, à vobis concessum iri certò cer-  
tius existimem.*

Videte quàm non reformidem, videte quanta lux li-  
beralitatis, honestatis, & sapientiae vestrae mihi ad vos  
scribenti palàm oboriatur: Utinam me penes esset pu-  
rioribus utrumque factum hoc meum depingere solis  
radiis, ut in utroque *INNOCENTIAE* meae splendor ex-  
imius non vestros solùm, sed et totius orbis perstringere  
posset oculos.

*PRIUMUM* aggredior. Exquò hanc appuli regio-  
nem circitèr novendecim abierunt anni, cujus temporis  
Epocha priore in ipsomet *ANGLIAE* portu dictò *RYE*,  
à tribus *DUNKERKAE* prædatoriis navibus, spectanti-  
bus testibusquè tùm proditore *Navarchò*, tùm *Anglis*  
benè multis, maxima pars eorum, quæ mecum ex *Gal-  
liâ* licuit advehere, est à me per vim, contra jus Gentium  
erepta.

Per id tempus *Augustissimus Potentissimusquè CARO-  
LUS REX*, solus pacificè tenebat *Angliae* gubernacu-  
lum, nullò tunc sedente *PARLAMENTO*, nec ullâ bel-  
li suspitione tunc existente. Ego ignarus hominum, lo-  
corum, consuetudinum, à *Piratis* rebus ferè omnibus no-  
viter exutus, quod in pari sine dubiò casu vir sanæ mentis  
quilibet efficeret, quâ solâ poteram relictâ mihi ratione,  
*Magistratus Supremi, REGIS* duntaxat favorem, scrip-  
tò in ejus honorem libellò, quò mihi faciliùs restitutio pa-  
rari videretur, comparare conatus sum.

Hic vos appello *FUSTISSIMI PROCERES*, quæ-  
nam sit vestra mens, quis sensus, quæ cogitatio? Nùm  
superioribus ita positis, possit quispiam non omninò men-  
te



te captus, vel cum minimâ rationis umbrâ, *SERENISSIMAM* hanc in *REMPUBLICAM* vestram, (*quæ præterquàm in IDEA DIVINÆ nullam tunc temporis aliam haberet existentiam*) insimulare me peccati, criminis, culpæ vel levissimæ?

Huc accedit, quòd cùm paulo pòst vos in supremis *Angliæ COMITIIS*, in quibus istius *Insulæ* jus summum resideret, sedentes animadverterem, ad vos per libellum supplicem, quò justitiam ab *Hispanis* obtinere mihi liceret, seriò memetipsum applicuerim. Quem libellum *Extraordinarius REGIS CHRISTIANISSIMI LEGATUS MARCHIO DE LA FERTE IMBO*, nunc *MARESCHALDUS D'ESTAMPE*, plurimùm mihi collendò *Militi Domino HENRICO MILDME* ex vestris uni, legendum in *COMITIIS*, ipsemet ad illum meâ solius causâ profectus, obtulerit.

Quò in libellò præter inauditam *Dunkerke Prædonum* audaciam; Præter illatam hâc suâ exercitâ vestrò in portu *Piraticâ*, non mihi solùm, sed & *Anglis* omnibus injuriam; Præter multos eâ de re testes idoneos, & quidem *Anglos*, qui eâdem navi mecum vecti fuissent; Præter ea inquam omnia, ut *INNOCENTIA* mea magis ac magis innotescat, vos ipsos monebam eâdem in meâ ad *PARLAMENTUM* supplicatione, quæ vestrum singulis typis excusa donata fuit, quâquè vos citiùs ad jus meâ causâ dicendum moverem, monebam inquam in *REGIS* honorem necnon *Angliæ*, opusculum à me nuper in lucem editum esse.

Adde, quòd cùm (*posteaquàm meum hoc in Hispanos negotium, & in COMITIIS, & in Thalassiarchiâ Admiraliumvè curiâ diu prosecutus essem*) tandem *Archithalassus Angliæ plurimùm honorandus NORTHUMBRIÆ COMES Represalium* mihi literas annuisset: Atque ad instruendas in *Hispanos* naves bellicas, agnoscerem impa-

res esse mihi vires, ex amicorum consiliô, aliam recuperandorum meorum aptiorem opportunitatem expectandam esse ratus, per aliquot annos, vitatô *Gallorum Scholariumque* consortiô, quorum passim uterer hîc idiomate, in *Suriâ* linguæ vestræ perdiscendæ gratiâ degere statuerim.

Unde â multis *Parlamentariis*, *Parlamentique* delegatis, qui tunc illic essent *IRENARCHÆ*, hoc retuli testimonium, quod etiamnum vernaculâ regionis istius linguâ penes me videre possitis, propriis *Domini Militis ELYOTT Suriæ Legati* manibus, suôque necnon suprâ laudatorum chirographis sigillatim subscriptis, eleganter exaratum, quô me vobiscum fecisse, nec â *PARLAMENTO* defecisse, luce meridianâ clariùs apparere potest.

**Whereas** Monsieur LEWIS DE GAND, of an antient discent in France, and a Gentleman very well learned and approved of, for his civil, discreet, and honest conberlation, having lived amongst us for the space of thzee whole years, and being now to leave this County of Surrey, Desireth our certificate, Wee the Deputy Lieutenants, and Justices of Peace of the aforesaid County of Surrey, do certifie on his behalf, that for his good affection to the PARLIAMENT, hee hath given a general good approbation amongst us, and for his disposition, and singular good endowments, is worthy of very good employments, and extraordinary favours, which wee attest under our hands at Guildford, &c.

Præterea ut multa similia virorum illustrium de me testimonia, quæ si ferat occasio proferre possim, missa faciam, noverunt ex vestris plurimi, atque adeò præ cæteris multum honorandus Prolocutor Dominus LENTAL, quod diuturniori civilis vestri belli tempore, neglectis meis ipsius, ut *DUCIS GUELDRIÆ* vobiscum negotia



tia peragerem, *PARLAMENTO* semper adhæserim; Cumquē *REX* aliquando quasi captivus esset *Hamptonia*, impetratâ à *PARLAMENTO* veniâ, illum actum adierim, ubi generosus non ignobilis de me benè meritus Dux *ANTHONIUS MILDMÆUS*, *REGI* tunc à *COMITIIS* constitutus *Oeconomus*, pro me *REGIS* custodibus iisque Parlamentariis *honorem proprium, fortunas, vitamque ipsam*, si contra *PARLAMENTUM* moliri me quidpiam uspiamvè contingeret, oppignerare nequaquam dubitavit.

Quô insuper in castellô per multos dies acrius sæpè cum *REGE* disputantem, quoad dicti Principis absolvissim negotia, ex vestris vidēre me audierequē plurimi, atque adeò (*ut nihil hic ego dicam de Nobilissimô HEROE, Milite Baronettô, Conciliiquē status dignissimô nunc Praside, nunquam antea mihi cognitô, sed de me postea meritô quàm optimè, quem tantum hic honoris causâ nomino DOMINO JACOBO HARRINGTON*) *LEGATUS* tunc temporis exercitus *STRATEGUSVE CROMWELLUS* audiit me semel *REGI*, fateor nimis audacter, opponentem, quòd non multum validâ cum ratione contra *DUCEM GUELDRIÆ* stare ab *Hispanis*, melius procul dubiô cum illô jamdudum actum esse, si tandiu non favisset illis, illis se debere, ex intelligentium omnium consensu, quòd in tales jam redigeretur angustias. Ad quod cum *REX* velut irâ percitus, bacillô canem indicasset, neque se plùs *Hispanos* curare quàm vicinum *Canem* elatâ voce contendisset, paululùm faciem avertens subrisit *CROMWELLUS*.

Cumquē urgerem ulterius animosè, periclitari maximè *REGIS* honorem, si mei Principis optatis non annueret; Quippequi sanctè se recepisset, testibus Domi-  
nò *Digbæd*, multisquē aliis *Angliæ, Scotiaquē Nobilibus*, se quod jam ab eò submissè peterem, præstiturum; Re-  
gum.

gum autem promissa sancta, irrevocabilia, inviolabilia-  
què esse oportere; In ore ferè omnium tamen hìc esse,  
nullam promissis ipsius haberi posse fidem: Quòd pu-  
tarent *ultramarini* hoc ipsum suis à subditis, ut eum vo-  
carent apud omnes in invidiam, confictum esse. Nunc ve-  
rò si promissa *Principi* meo dudum à *Majestate suâ* pacta  
condictaque, jamquè ferè per totum *Christianum* orbem  
ab illius *Ministris* ubique divulgata, non impleat, fore  
ut totus *Christianus orbis*, cum honoris *Regii* certissimâ  
jactura, ad subditorum ipsius opinionem, sine ullâ du-  
bitatione, actutum accedere quamproximè videatur. Pu-  
tarem autem hæc ideò me loqui liberiùs oportere, qui  
cum in *REGIS* honorem librum edidissem, optarem hono-  
ris *Regii* meiquè supra modum cupidus, meam in merce-  
dem, quam à *REGE* solam expectarem, saltem effice-  
ret, ut falsa de *REGE* scripsisse, me posthac damnare  
nemo valeret. Ad quæ *REX* seipsum colligens, ait  
sperare se, ut operis in ipsius gratiam à me conscripti,  
nunquam me pudeat, poeniteatvè. Cæterum dextrâ  
percussò femore promissis stare se velle audiente  
*CROMWELLO*, non modò verbis innuit, sed & reipsâ  
datis ad *Principem* meum, quas & quâ formâ cupie-  
bam epistolis, satis apertè probavit.

Quam Sermocinationem cum *REGE* meam cum præ-  
fens accepisset *CROMWELLUS*, colloquiisque nostris  
sæpius interfuisset, ubi ad *PROTECTORIS* dignitatem  
postmodum evectus est, eam *Principis* mei negotiis  
non modò nihil obfuisse, sed profuisse non mediocriter,  
opportunè, suò loco, & tempore sum ipsemet expertus.  
Licet enim per duellis, capitalisque *REGIS* hostis is esset,  
quod *Anglorum* nemini jam obscurum est, nunquamquè  
quievisset antea, quàm ab illius cervicibus caput ampu-  
tasset: Attamen eos omnes tanquam *invidos, adultores,*  
*calumniatores, insulsosquè* summopere despexit, qui prop-  
ter



ret exaratum à me suprâ laudatum libellum, *REGIS*, *Regiaque partis fautorem* apud ipsum accusare me, famamque idcirco meam maledicò dente rodere præsumerent.

Enimverò perbellè notum erat illi, hoc opusculum (*cui & exemplar illius unum obtulifsem*) antequàm vel esset ulla belli suspicio à me compositum, neque me *arma Regia, Regiasque Partes* unquam secutum esse, & quamvis belli tempore sæpiùs consuetudine *REGIS* ulus essem, nunquam tamen sine veniâ *PARLAMENTI*, imò nec sine testibus illius quidquam apud *REGEM* aggredi voluisse.

Quamobrem in domo *PROCERUM* publicè me non mediocriter laudavit illorum tunc temporis *Prolocutor Dominus MANCASTRIÆ COMES honoratissimus*, à quibus cum adeundi *REGIS* facultatem exposcerem, chartasque illis, sub *sigillò volanti* ut vulgò dicunt, meas omnes, totumque negotium, quod mihi cum *REGE* in mei Principis gratiam futurum esset aperuifsem, indicafsemque nolle me, nec invitis illis cum *REGE* colloqui, nec nisi præsentibus *PARLAMENTI*, qui *REGIS* comites essent, subdelegatis, quique si videretur, *REGI* forent *EMANUEENSES*, ut Principis mei literis responsum, quod in meò reditu *PARLAMENTO* patefacerem, referre possem; Hoc unum curare me maximè, ut nullam vel minimam, quasi me negotiis illorum implicare vellem, suspicandi rationem offerrem *PARLAMENTO*: Me inquam ideò palàm in *COMITIIS* plurimùm commendavit *MANCASTRIÆ COMES*, veluti generosum ingeniò, judiciò, ratione, honestateque multâ nobilitatum.

Nec tantùm in *PROCERUM*, sed & in *COMMUNIUM* domo sæpè mei Principis, præsertim verò semel, strenuè admodùm causam egi: Nam cum *Haberdashers-Hall* ut vulgò vocant officarii, audissent aliquando

**GUELDRIÆ DUCEM**, qui venisset in *Angliam*, ingentes secum detulisse thesauros, ut contra **COMITIA REGEM** adjuvaret, illicô numerosô cum milite in plateâ dictâ **HOLBORNE**, per vim revulsis â cardine fractisque ariete subitò prioribus januis, domum illius aggrediuntur, sed ejusdem domesticis strenuè se defendentibus non ingrediuntur. Unde per quatuor dies duravit obsidio. Jamquè ad tormenta bellica ventum erat, cùm ego rursum rediens, atque de iis quæ tunc illic gererentur certior factus, illuc festinanter accurri, impetratâquè, sed ægrè admodum, ab obsidentibus veniâ, qui mihi causam tanti tumultus aperuissent, **PRINCEPS** obsessus ad fenestram apparuit, atque renitentibus, avidis prædæ duntaxat, obsidentibus iisdem, ad **COMITIA** me quumprimùm ablegavit.

Ubi cum Dominum **LENTALL** Prolocutorem eâ de re nomine **PRINCIPIS** essem allocutus, statutum est â **COMITIIS** ut omnis cessaret hostilitas, quoad de re totâ cognovisset, decrevissetquè **PARLAMENTUM**. Intereâ testibus ad minimùm quinque virorum millibus, qui eventum rei præstolantes, thesaurorum illinc abripiendorum gratiâ, dictam domum confertim circumstarent undique, totum partis utriusque negotium sicamicè, neque domum ingressus, publicè composui, ut satisfactio & honor esset tùm **PARLAMENTO**, tùm **PRINCIPIS**, qui deinceps me liberatorem suum, vitæquè suæ conservatorem, quandiu vixit, eam ob rem appellavit.

Porrò Dominus **STROUD** è **COMITIIS**, equè præcipuis *Haberdashers-Hall* â **PARLAMENTO** delegatis officariis unus, prudentiam meam coram plurimùm mihi necessariô Dominò **SIMONDS DEWES** *Militis Baronnetto*, nonnullisque aliis Parlamentariis sic extulit, ut ea propter multô pudore suffunderer. Immò **PARLAMENTUM** ipsum paulopost quadraginta vini tunnas annuatim



nuatim sine ullâ consuetudine, vectigaliquè persolvendô, dicto **PRINCIPI** decrevit, quô tamen honore, oblatô- què privilegiô nunquam est abusus, cum *Anglis* esse nollet oneri.

Multa prætereo, cùm plura jam quàm forte deceat hâc in priori *Apologia* meæ parte literis prosecutus sim, sum tamen istud aliquô modô necessarium arbitratus, ut mordaces, mendaces nonnullorum linguas refrænare, illis- què *Epistomium* iajicere possem, qui sine ratione, sinequè ullâ rerum disquisitione, brutarum animantium ad instar, solô ferantur impetu, quosquè *Canibus illis Tullianis in Rosciô Amerinô*, non absimiles rectè quis judicare valeat, quibus licet dentur in fures cibaria, quoslibet tamen accedentes allatrant, cùm enim sint bestix, fures à furibus dignoscere nesciunt. Proptereà *modô non mordeant*, illis per me quântumcunque libuerit, *sine crurum effractionis metu*, latrare permissis.

**AD SECUNDAM** interim *Apologia* meæ partem, quæ est de *Encomiasticô PROTECTORIS OLIVARII cum OLIVA parallelô*, festinanter accedam.

Accusabunt igitur me proptereà. At qui? An **MILITES**, an **EXERCITUS**? Sed **OLIVARIUM** ad tam altam honoris apicem per illos evectum nemo non agnoscit. An *Angliæ CIVITATES, PROVINCIÆQUE* ipsæ? Et laureatos ad **OLIVARIUM**, gratulatoriosquè codicillos, undique missos ab illis apertè novimus. Quid? Num & ipsi, in quibus totum robur *Angliæ* firum est, cum *Dominô MAFORE* Civitatis, **SENATORIBUS, TRIBUNIS**, *urbisquè Conciliô*, per vicos & plateas, erectis hinc inde, ut *Regibus* assolet, repagulis, quæ tapetibus, societatibusquè Mercatorum primariis duodecim, earumquè vexillis mirandum in modum ornarentur, ad regale convivium, cum vocum instrumentorumquè generis omnis harmoniâ triumphantem **OLIVARIUM** deduxêre **LON-**

**DINENSES?** A **FURISPERITIS** dies fortè mihi dicetur ad **PARLAMENTUM**, apud quod de forò nonnulli me *rabula* proditionis reum ideò facere conabuntur. At reluctantem **OLIVARIUM** non **PROTECTOREM**, Sed **REGEM** esse eorum plurimi, iiquè non vulgares palam & apertè pro virili suà parte contenderunt. Ab **EC-CLESIASTICIS** periculum impendere mihi verendum esset, nisi ferè omnes illorum exedræ **PROTECTORIS** laudibus identidem personuissent. An ad vos nomen meum deferetur ab **ACADEMICIS**? Neutiquàm profectò. Nam universitatis utriusquè lachrymæ, gemitusquè publici propter **OLIVARII** mortem, singularem scholarium omnium in illum affectum manifestè satis evincunt.

Quinam igitur arguere me jure possint, quòd laudibus extulerim **OLIVARIUM**? Certè si quiquam, vos ipsi **PARLAMENTarii PROCERES**. Sed eam quæso date mihi veniam, quam sceleratissimo cuilibet vel *Sycophanta* nunquam abnuetis, ut in mei defensionem pro meipsò liberè cum omni tamen reverentiâ animiquè submissione loqui liceat. In eâ enim sum *hæresi*, ut meritò putem vosmetipsos, atque adeò solos, dicti criminis, si crimen appellandum est, accusandos esse. Nam nisi tantam dedissetis **OLIVARIO** potestatem, quantam nemini tribuit antehàc ullum *Anglia* **PARLAMENTUM**, per quàm, ut nuper quidam scripsit *Anonymus*, gravem induxistis illum in tentationem, ad tantum honoris, dignitatis, potentiæquè culmen ascendere nunquam sine dubiò vel voluisset, vel si voluisset, nunquam valuisset. Unde per illius à vobis elationem, non tantum vestra secuta est depressio, dissolutio, interruptio: Sed etiam per id primaria causa fuistis, cur illum *Milites, Exercitus, Provincia, Civitates, Furisperiti, Ecclesiastici, Academia, PROTECTOREM* agnoverint. Inde què liquidò constat, si de quibus superiores ideò peccarunt in **VOS** aliquid, inquè



inquè *REMPUBLICAM*, quòd inquam omnia illorum eam ob rem peccata in vos ipsos (*ignoscite quæso libertati meæ*) tanquam in manifestos illorum authores, refundi necessarium omninò sit.

Ut autem aliquid de me non genericè, sed privatim hanc ad rem eandem proferam in medium aliquid, aliud est *OLIVARIUM* evexisse, aliud evectum scripsisse: *VOS* evexistis, evectum *ego* scripsi. Jam verò *DEUM* hominesquè testor, si in horum alterutrò peccatum insit, utrum sit illud in evehente, aut in eò qui dicit evectum, atque adeò de totâ hâc controversiâ vobis ipsis, *PROCESSES AQUISSIMI*, sapientiæ, justitiæquè vestræ plurimùm confidens permitto judicandum; Si tamen priùs vos etiam atque etiam rogavero, tùm ut libertati pennæ meæ, quàm par sit audacioris, condonare velitis, tùm ut nonnullas, quæ ad edendum in lucem parallelum *OLIVARIUM* cum *Olivâ* meum me peculiare excitant rationes, vel per transfennam cursimquè legere nequaquam vos pigeat.

Nemo vestrum ignorat, *PROCESSES HONORATISSIMI*, me per multos hîc annos cum vix ferendò labore, difficultatibus immensis, innumeris periculis, æreâ patientiâ, invictòquè prorsus animò, egisse me *serenissimi DUCIS GUELDRICÆ* negotia. Quæ supradicta cùm singulis penè diebus identidem mihi crearentur omnia, tùm ab *Hispanis*, tùm ab *Hollandis*, tùm ab utrorumque potentissimis hâc in regione factionibus, tùm ab iis quorum licet nihil interesset, latrantes tamen alios sine ullâ ratione, causæquè cognitione sequerentur. Eapropter ubi *PARLAMENTUM* dissolvit *OLIVARIUS*, eum salutatum ad Principis mei partes, tùm quia sæpe meis cum *REGE* de illò colloquiis priùs interfuisset in *Hamptonia* curiâ, tùm quia maturè considerasset vestra in ejusdem gratiam decreta, facile fatis pellexi. Unde me *RESIDENTEM*

ipſius hîc agnoſcens, ſe *PROTECTOR* meum famu-  
lorumquè meorum, antequam *REIPUBLICÆ PRO-*  
*TECTOR* is eſſet, ſub propriò *Chirographò*, ſigillòquè,  
verbis ampliffimis apertè declaravit, prohibuitquè quo-  
minùs quîſquam vel mihi, vel meis, meis in negotiis  
eſſet remoræ, ſed quòcunque liberet, liceret ſine ob-  
ſtaculò proficiſci.

Quà elatus fretuſquè *PROTECTIONE*, quæ mihi ve-  
lut impenetrabilis *ACHILLIS* eſſet armatura, mei  
*PRINCIPIS* hoſtes innumeros, valentiſſimoſquè, qui  
nihil aliud mihi minùs palàm, quàm exilium exitium-  
què minarentur, ſic deſpexi, ſic audacter adortus ſum,  
ſic fregi, ut irritis illorum conatibus, qui tantùm clan-  
culum, *ANDABATARUMQUE* more, clauſis in me  
ſolummodò pugnare valerent oculis, nec cur ſe mihi  
quidem opponerent, ad ſuæ *CELSITUDINIS Conci-*  
*lium* publicè provocati, vix aperire poſſent, ſic inquam  
illos omnes debellavi proſtraviquè, ut de illis trium-  
phantem poſteà, vigintiquè comitatum curribus, quibus  
*lectiſſimi, ornatifſimiquè veherentur addiſti mihi NOBI-*  
*LES*, tùm *LONDINENSIS* ſuſpexerit civitas, tùm *AL-*  
*BA AULA*, mihi cum *Magiſtrò Cerimoniarum, PRO-*  
*TECTORISQUE Nobilioribus* obvia, frendentibus eam ob  
rem hoſtibus meis, tam honorificè ſtipatum mirata fue-  
rit.

Et hæc quidem prima *cauſa* eſt, quæ me ad Encomiis  
exornandum *OLIVARIUM* impulit, ſiquidem illius  
*PROTECTIONE* ſic munitus, armatuſquè, *PRINCIPIS*  
mei negotia, triumphatis hoſtibus illius, ad optatum finem  
perduxi.

Alteram ejuſdem rei *rationem*, jam ſuperiùs attigi, mei  
nimirum perquàm honorificam à *PROTECTORE*, qua-  
lis publicis Potentiorum orbis *Chriſtiani Principum Mini-*  
*ſtris* fieri vulgò ſolet, receptionem. Ubi enim ad *CELSI-*  
TU-



**TUDINE** suam eò prorsus habitu, de quò priùs, à *Magistrò Cerimoniarum* introductus ego sum, tantam ab eò sum expertus illic humanitatem, benignitatem, reverentiam, ut totò tempore quò presente *Conciliò* suò mecum locutus est, præter suam in aliorum *Principum Residentibus* accipiendis consuetudinem, erectus semper, apertòquè capite steterit, meos comites sigillatim omnes salutarit, atque ut breviter complectar, abeuntem per suos *Nobiles, Cerimoniarumquè Magistrum*, quoad cum meis domum reveherer, honorificè prosecutus est. Cujus honoris à **PROTECTORE** mihi sic exhibiti, cum *Mercurii Londinenses omnes*, qui singulis diebus hebdomadæ typis excuderentur, mentionem fecissent, eosquè cæterarum nationum secutæ fuissent *Gazetta*, humanissimi Principis nomen ab orbe totò retulit **OLIVARIUS**. Hincquè in epistolâ paralleli mei ad illum dedicatoriâ, petitur unica hæc à me verbis ipsissimis, suâ de **CELSITUDINE** scribendi ratio (*tibi multâ duntaxat obstrictus humanitate.*)

Præterire non possum, quòd cum in eòdem solenni cum **OLIVARIO** congressu, ut de multis aliis taceam, finem imposuissem orationi meæ, deductis cur ad illum *ablegatus PLENIPOTENTIARIUS* essem à **PRINCIPE** meò rationibus, meam ille præsentè *Conciliò*, virisque multis *sapientissimis* ita commendavit *Eloquentiam*, ut ab eò tempore quò lucis hujus usurâ frueretur, *Eloquentior* se neminem unquam audivisse, contradicente me licet, palam & apertè contenderet.

Enimverò ut verum ingenuè fatear, licet aliquò modò cum modestiâ laudanti repugnarem, tam altas tamen egit in animò meò radices, tam celebris illius mei commendatio, ut ab illò, nisi par pari quodammodò retulissem, ratione nullâ potuisset unquam evelli, sic enim à naturâ constitutus ego sum, ut à quocunque vel humanitate vincime maxime doleam, vinciri ferre nullò modò queam:

HO

**HONORE** quippe ducar potius, quàm muneribus, pecuniis, aliisque id genus similibus, quibus omnibus a micitiam metiri nunquam potuerim. Neque verò semel aut bis, sed multoties ipse me prædicavit, atque etiam coram viris, qui mihi retulerunt idem, *Nobilissimis, Eruditissimisque*, sed præ cæteris *Pyladeâ mihi conjunctus amicitia supremi Judicis Angliæ Baronis ROLE filius unicus*, qui se diceret à **PROTECTORE**, laudum mearum præcone celeberrimò, sæpius accepisse, **DUCIS GUELDRÆ RESIDENTEM**, eloquentiâ, ratione, judiciò, eruditioneque mirandâ sic præditum esse, ut **CYCLOPÆDIAM** absolvisse videretur. Quod quemadmodum sine ullâ vacillatione animique nutatione postea pro compertò nec hærens habui, mihi stimulus & calcar, quò citius incitarer, ut scriptò laudum ipsius magnitudinisque propugnator acerrimus existerem, admotum ab eodem procul dubiò fuit.

Atque ut perspicuum sit omnibus quàm rectè fuerim in hoc *Auguratus*, non amplius occultè per cuniculos, vel per ambages, sed tandem palàm ab iis sum ad id peculiariter invitatus, quibus si renuisssem, deterius ob id certè mihi contigisset aliquid, atque ut reliqua fileam, pessimè audissem apud eos, apud quos antehac optimè. Porro si rogata facerem, quandoquidem mecum faceret **OLIVARIUS**, à quonam mihi timendum ob id esset aliquid? Cum amplissimus aliunde mihi pateret sperandi campus; Atque *Anglos* ferè omnes animadverterem, præter admodum paucos, qui mussare vix in **OLIVARIUM** etiam clanculùm remotis arbitris auderent, ita partibus illius adhærere firmiter, ut quamvis **REGES** omnes *Angliæ* prædecessores suos longè potentiâ gloriâque superaret, conarentur tamen singulis illum diebus altiùs & altiùs evehere, ut **PRINCIPIBUS** orbis ferè omnibus esset ille terrori, qui per suos **LEGATOS** ideò certatim vel amicitiam ejus, suorum conservandorum gratiâ, vel foedus, vel protectionem in valentiores hostes expeterent. His



His ita constitutis, *cum futura, quæ à solâ DEI voluntate liberâ pendeant à me nullô modô prævideri potuerint*. **OLIVARI** sum aggressus Encomium, in **SPEM** non diffiteor erectus non mediocrem, fore ut, *Vel*, ab *Hispanis* quibus bellum indixerat, erepta mihi pridem reddi curaret: *Vel*, ademptô subitâ morte **PRINCIPE**, cujus per multos hîc annos meis ipsius, nec vulgaribus impensis egissem negotia, ejus filium **GAURIÆ PRINCIPEM**, qui in ære meô gravissimô eam ob rem esset, eodem exsolvere se quapiam sibi notâ ratione satageret: *Vel*, ut similem mihi *tunnarum vini quantitatem*, quæ, sine *vectigalibus consuetudinequè*, publicis Principum aliorum *Ministris* concedi solet annuatim, qualquè vivente **PRINCIPE** meô majorem ob ipsius honorem de industriâ neglexeram, mihi eodem mortuô reddi curaret; cum plurimis eorum, qui tali gauderent hîc privilegiô, nullatenus inferior haberi possem: *Vel*, ut *honorificum* saltem *officium* aliquod aut hîc, aut foris per eundem mihi tandem consequi liceret.

Quæ cum igitur ita sint, nemo certus sum quantumvis infensissimus hostis **OLIVARI**, ponderatis æquâ mentis lance rationibus meis, meum de quô sæpius hætenus culpabit scriptum, *licet idem in aliô probare non possit*, sed potius omnia meâ causâ benè cupiens optabit, ut à vobis **FUSTISSIMIS COMITIUM PROCERIBUS**, qui *debita* persolvatis **OLIVARI**, mei pariter *honorificè* memineritis, siquidem ea quæ decreverat *suis mihi in honore debitis*, non vulgares ob impensas propter illum meas, *ut cætera prætermittam*, cum eodem pariter interierint.

Quapropter ut ad id unde aliquantulùm aberravit nostra redeat, atque desinat oratio, licet demus quod negari vix potest, *Anglos* ferè omnes in extollendô **PROTECTOR** quam longissimè aberrasse; de me tamen idem asseri ratione nullâ potest, siquidem illorum & est, & interest,

terest, qui *leges suas vel calleant, vel callere debeant*, videre quosnam ad *supremos evehant Magistratus*, & *quàm legitime*. Mihi verò qui *sim hìc Exoticus* nequaquam istud incumbat, sed tantum *supremis Magistratibus vestris*, *quicunque tandem illi sint*, honorem deferre, Obedientiamquè *in civilibus*, quandiu terris in vestris degere visum mihi fuerit, præstare conveniat.

Mordicùs autem aliunde teneo, accuratequè defendo, quemadmodum *in Oliva mea ramò cælesti* rationibus præter opinionem vulgi petitis altiùs expono, proboquè fusiùs, *Nihil homines inter certius, nihil exploratius, manifestius esse nihil, quàm Reges, Imperatores, Monarchas, Supremos Principes, summosquè rerum publicarum Administratores, à DEO cælitùs humano generi concessos, tandiu rerum publicarum tenere gubernacula, quoad illos tandem, accidentarià licet nobis ratione, cùm DIVINÆ suæ MAJESTATI visum placitumquè fuerit, aliis præpositis amoveat.*

Quod cùm apud *Christianos* omnes omninò sit extra controversiam, eam ob rem, & *REGEM Serenissimum CAROLUM primum per DIVINAM PROVIDENTIAM* huic nationi præpositum, & per eandem *PROVIDENTIAM* illi caput ab cervicibus abscissum, manifestissimum est.

Certum est pariter, & *Serenissimum REIPUBLICÆ ANGLIÆ PARLAMENTUM*, amotò per *DIVINAM PROVIDENTIAM REGE*, per eandem tùm *supremum Magistratum* obtinuisse, tùm illius pace dixerim, esse postea dissolutum, sive potius interruptum.

Constat similiter à *DIVINA PROVIDENTIA* datum *Angliæ PROTECTOREM OLIVARIUM*, ejusquè filium ab eadem, *absit verbo invidia, dictò PRINCIPATU RICHARDUM* excidisse.

Atque in omnium conclusionem proferam audacter,  
*dictum*



*dictum ab OLIVARIO dissolutum, interruptumque PAR-*  
*LAMENTUM, eâdem PROVIDENTIA DEI supre-*  
*rum ad Angliæ Magistratum, penes quem summa res-*  
*rum sit, per tam subitam in instanti revolutionem flu-*  
*pentibus universis, resumptum, restitutum, restauratum*  
*esse.*

Quæ cum stolidioribus, atque ab sensu mentis abstra-  
ctis accidentaria videantur omnia, qui *brutarum animan-*  
*tium ad instar, quas ad pastum abjecit natura, terrena solum-*  
*modo sapiant, causasque tantarum mutationum secundas*  
hîc nescio quas, cum scurrili vesanâque garrulitate, veluti  
primarias ignoranter accusent mortalium ineptissimi,  
*nunquam ad supremi rerum omnium Moderatoris DEI su-*  
*pernum domicilium, nunquam ad primariam tantarum vicif-*  
*situdinum causam, fontem, & originem, PROVIDEN-*  
*TIAM nimirum DIVINAM, in hîc Ethnicis deteriores,*  
*nunquam inquam sursum erigunt oculos.*

Sursum igitur tandem oculorum aciem convertite fre-  
*neticis insanores, videte si potestis, Talpis, Vespertilionibus,*  
*Bubonibus, Noctuis in luce meridianâ cæciores, passionum*  
*squammas, quæ mentibus vestris tenebras, Cimmeriis ob-*  
*scuriores obducunt, excutite, sursum inquam attollite lu-*  
*mina, DIVINAMQUE inde PROVIDENTIAM, vel*  
*immediatè per se, vel mediantibus causis secundis, qui-*  
*bus ad propositum sibi finem utatur, ordinantem, decer-*  
*nentem, statuentem, amoventem supremos rerum publicarum,*  
*pro suo libitò placitòque, Magistratus.*

Hoc si mentis oculis intentiùs, attentiùs perspexeri-  
tis, nullò modò mihi dubitandum venit, quin *Serenissime*  
*hujus REIPUBLICÆ MAGISTRATUS* tanquam à  
*DIVINA PROVIDENTIA* hîc in *PARLAMENTO*  
*vobis instauratos, cælitusque iterum concessos, redditosque*  
*gubernatores arbitremini, iisque veluti nationum istarum*  
*constitutis à DEO rectoribus, omni Studiò, Alacritate,*

*sentia, Obedientiâ, Animique submissione;* prout  
vobis decet, *quantocunque tempore gerent Magistratu*  
vosmetipsos sanctè subdere velitis.

Ego verò principiis iisdem, quibus imbutus sum à  
puerò firmiùs adhærens, in conspectu solis istius palàm &  
apertè profiteor, *AUGUSTISSIMI PROCERES*, quan-  
diu vos in *Magistratu* mequè tùm *DEUS* hâc in Regione  
terrarit, tandiu me vobis in *Politicis*, velut ad populo-  
rum istorum regimen *subordinatis à DEO Ministris* ex a-  
nimò submissurum.

---

IN OMNIBUS RESPICE FINEM.

---



